

Sakspapir

Saksnr	Utvalg	Type	Dato
093/20	Formannskapet	PS	20.08.2020

Saksbehandler	Arkiv	ArkivsakID
Asbjørn Nagell Toft	FE-141, TI-&37	19/743

Planstrategi for Austrheim kommune 2020-2024 - Høyring

Vedlegg:

Planstrategien 2020-2024 som Word

Planstrategien 2020-2024 som PDF OK

Framlegg til vedtak:

Formannskapet legg **Planstrategi for Austrheim kommune 2020-2024** ut på høyring. Høyringsfrist vert 1. oktober 2020. Vedtaket er heimla i Plan- og bygningslova si § 10-1.

Formannskapet som også er planutval er styringsgruppe for arbeidet med planstrategien.

Formannskapet - 093/20 - 20.08.2020

FS - behandling:

Avdelingsleiar for plan-, bygg-, oppmåling- og miljø, Asbjørn Toft, orienterte om saka, jamfør saksutgreiinga.

Toft sa at ein del planar må ein ha på plass for å kunna søka om støtte, som planen for fysisk aktivitet.

Andre planar vert det gjeve støtte til å laga. Toft viste kva planar som skal greiast ut i den kommande fireårsperioden.

Ordførar Per Lerøy (Ap) ba om at det vart jobba med plan for rus og psykiatri, og fekk støtte av Inger Lise Brekke H) i at dette må prioriterast.

Kommunalsjef helse og omsorg, Monika Kvamme, sa at rus og psykiatri ligg litt mellom pleie og omsorg og folkehelse.

Ordførar Lerøy sa vidare at Ap og Høgre er samde om at rus og psykiatri må prioriterast, særleg på grunn av at det angår mange unge. Meiner det er for seint å starta dette planarbeidet i 2022.

Asbjørn Toft svara at det er OK å ha intensjon om å starta i 2021 på både kommunedelplan for pleie og omsorg, og kommunedelplan for folkehelse med folkehelseoversikt. Monika Kvamme, kommunalsjef pleie og omsorg, sa at det er OK å ha intensjon om å starta dette arbeidet tidlegare.

Per Lerøy (Ap) etterlyste at det for landbruk/skogbruk vart gjort oppfølging av tidlegare planar, slik at ein sikra at det som er planta av skog også vert henta ut.

Om trafikksikring sa Per Lerøy at Ap og H heller vil prioritera sykkelveg på strekket Kilstraumen til Fønnes framfor den frå Litlelindås til Austrheim. Etter innspel frå Helge Dyrkolbotn (KrF) sa Lerøy at ein kan ha på lista å laga plan for begge strekka, men med prioritet for Kilstraumen - Fønnes.

Toft svara at det er lettare å planlegga Litlelindås til Austrheim, sidan ligg arbeid frå Johan Sverdrup-rørleidningen til grunn, der denne sykkelvegen var med.

Morten Sognnes (H) viste til at det er mellom Kilstraumen og Fønnes det har skjedd flest ulukker, og at dette også vil knyta kommunen tettare saman i tillegg til å gjera det lettare for elevar å sykla til skulen.

Ordførar Per Lerøy (Ap) oppsummerte med at ein legg planen ut på høyring slik den er, og kjem med innspel i høyringsperioden.

Handsaming i formannskapet:
Samrøystes for rådmannens framlegg til vedtak.

FS vedtak:

Formannskapet legg **Planstrategi for Austrheim kommune 2020-2024** ut på høyring. Høyringsfrist vert 1. oktober 2020. Vedtaket er heimla i Plan- og bygningslova si § 10-1.

Formannskapet som også er planutval er styringsgruppe for arbeidet med planstrategien.

Saksopplysninger:

Kommunestyret vedtok den 12.12.2020 at Austrheim kommune sitt arbeid med planstrategi skulle starta opp. Formannskapet vart styringsgruppe for arbeidet.

Kommunestyret skal minst ein gong i kvar valperiode, og seinest innan eitt år etter konstituering, utarbeida og vedta ein kommunal planstrategi. Den kommunale planstrategien skal vera eit hjelpemiddel for det nye kommunestyret til å avklare kva planoppgåver Austrheim kommune skal prioritera i valperioden. Planstrategien bør drøfta kommunen sine strategiske val knytta til samfunnsutvikling, langsiktig arealbruk, miljøutfordringar og sektorane sine arbeidsoppgåver. Ved handsaminga skal kommunestyret ta stilling til om gjeldande kommuneplan eller deler av denne skal reviderast, eller om planen skal videreførast utan endringar. Kommunestyret kan og ta stilling til om det er trong for å setja i gong arbeid med nye arealplanar i valperioden, eller om gjeldane planar bør reviderast eller opphevast.

Samfunnsdelen i kommuneplanen som vart godkjent i 2015 seier mykje om kva utfordringar kommune har, den har gjeve mange faktaopplysningar til dette arbeidet. Den har vore styrande for denne planstrategien. Det same gjeld arealdelen til kommuneplanen som vart godkjent den 11.04.2019. Berekraftmåla til FN ligg til grunn for planlegginga vår og planstrategien.

Planstrategien er retningsgjevande og vil ikkje hindra at andre planar/ planoppgåver kan settast i gong i kommunestyreperioden. Strategien har ingen direkte rettsverknad for innbyggjarane og det kan ikkje fremjast motsegn mot den. Kommunen skal i arbeidet med kommunal planstrategi

innhenta synspunkter frå statlege og regionale organ og nabokommunar. Kommunen bør også leggja opp til lokal døfting og medverknad. Austrheim kommune varsla oppstartsvedtaket på heimesida og i avisannonse på vanleg måte. Det gjekk og ut eige skriv til lag og organisasjonar og offentlege instansar den 17.12.2019 om oppstartsvedtaket der kommunen ba om innspel. Innbyggjarar, lag og organisasjonar har såleis i lengre tid kunne kome med innspel. Innspelfrist vart endeleg sett til 20. juli 2020, det vart kunngjort på vanleg måte. Det har kome 10 innspel til planstrategien, dei er alle vedlagt i denne saka. Innspel har kome frå både offentlege og private lag/organisasjonar. Desse er:

Private innspel:

1.Åråsvågen velforening sitt innspel er datert den 29. juni 2020: Dei skriv mellom anna følgjande: *Velforeninga er kjent med at det i samband med planarbeidet i kommunen er aktuelt å tillate industriverksemnd i eit område i Øksnesmarka, med tilhøyrande kaianlegg i Åråsvågen. Området ligg nær bustader og fritidsbustader både på Øksnessida og på Åråssida. Det kan ikkje vera tvilsamt at områda vil bli berørte at industriverksemnd i marka og vågen. Dette gjeld særleg uttak av steinmassar, noko som erfaringsmessig fører med seg støy og støv langt utanfor det området der verksemnda vert dreven. Eit stort kaianlegg i fjorden, vil utan tvil få negative konsekvenser for store deler av fjorden. Velforeninga har forståing for at det er ynskjeleg med næringsverksemnd i kommunen, men meiner at det fins andre område som er åpna for slik verksemnd eller som det er naturleg å åpna for det. Velforeninga vil oppmoda kommunen om ikkje å tillata slik verksemnd i det omtalte området.*

Austrheim kommune sin kommentar: Kommuneplanen sin arealdel som vart godkjent den 11.04. 2020 er førande for arealbruken i Austrheim kommune. Øksnesmarka vart i kommuneplanprosessen grundig diskutert politisk, og konklusjonar og vedtak vart fatta i den saka. Det er krav til reguleringsplan i dette området før utbygging kan skje, planprosessen vil avgjera kva slag næring som skal vera her, og korleis arealet skal brukast her. Planstrategien legg ikkje opp til å revidera kommuneplanen sin arealdel i perioden 2020-2024. Innspelet vert teke til orientering.

2.Bygdelista i Austrheim sitt innspel er datert den 01. juli 2020. Dei skriv mellom anna følgjande: *Austrheim er en del av Nordhordland, som har fått status som biosfæreområde, noe som forplikter kommunen til å ha FN sine bærekraftsmål i bunn av avgjørelser og tiltak. Planstrategien og prioritering av planar vil videre være avgjørende for å føre vidare visjoner, mål og strategier for biosfæresatsingen. Austrheim kommune har gjennom planstrategien mulighet til å klargjøre hvilken profil kommunen ønsker utad. Vi ønsker at vi skal satse og bli miljøkommune nr 1, med gjennomført fokus på bærekraftige løsninger, tiltak og planer.*

Med bakgrunn i programmet vårt mener vi disse planene bør prioriteres, i prioritert rekkefølge som under:

- 1. Kommuneplanrevisjon med tilbakeføring av N18 Øksnesmarka til LNF-status*
- 2. Kommunal temaplan mot attgroing*
- 3. Revisjon av energi- og klimaplan for Austrheim*
- 4. Revisjon av plan for folkehelse*
- 5. Interkommunal plan for sjøareal i regionen*
- 6. Ferdigstilling av VA-planen*
- 7. Kommunedelplan for naturmangfold*

Dei har i sitt skriv grunngjeve klart kvifor kvart punkt frå 1.-7. bør inn i planstrategien for 2020-2024.

Austrheim kommune sin kommentar punktvis til punkta 1-7:

Punkt 1. Kommuneplanen sin arealdel som vart godkjent den 11.04.2020 er førande for arealbruken i Austrheim kommune. Øksnesmarka vart i kommuneplanprosessen grundig diskutert politisk, og konklusjonar og vedtak vart fatta i den saka. Det er krav til reguleringsplan i dette området før utbygging kan skje, planprosessen vil avgjera kva slag næring som skal vera her, og korleis arealet skal brukast her. Planstrategien legg ikkje opp til å revidera kommuneplanen sin arealdel i perioden 2020-2024. Innspelet vert teke til orientering.

Punkt 2. Kommunal temaplan mot attgroing er etter Austrheim kommune sitt syn ikkje naudsynt. Dette med attgroing er eit tema som bør koma med i **Landbruksplanen**, den er sett opp som ein temaplan i planstrategien for 2020-2024.

Punkt 3. Revisjon av energi- og klimaplan for Austrheim er kome inn i planstrategien for 2020-2024.

Punkt 4. Revisjon av plan for folkehelse. Austrheim har lagt ein temaplan for folkehelse inn i planstrategien for 2020-2024.

Punkt 5. Interkommunal plan for sjøareal i regionen er eit planarbeid som alt er påbyrja. Det er teke med i planstrategien under interkommunale planar som skal gjerast i planperioden.

Punkt 6. Ferdigstilling av VA-planen. Kommunedelplanen VA Hovudplan for vassforsyning og avløp 2017-2027 vart godkjent i 2017. Dette er ein plan med prioritert rekkefølge på tiltak. Det er ikkje naudsynt å revidera denne i planperioden 2020-2024.

Punkt 7. Kommunedelplan for naturmangfold. Kommunedelplan for naturmangfold er teke med i planstrategien for 2020-2024.

3.Austrheim Arbeidarparti sitt første innspel er datert den 10. juni 2020.

Dei skriv mellom anna at for at kommunen skal nå sine mål, må det jobbast aktivt med å utvikla næringsareala i Mongstad-området og få næringsdrivande til å etablera seg på dei tilrettelagte områda. Kommunen er nesten ferdig med å regulera sine næringsområde i denne delen av kommunen, men ein må følgja opp med å leggja til rette for meir bustadbygging i Fønnes – Kaland – området. Mykje er alt regulert, men det må lagast ein områdeplan for området øst for Fv-565 frå nye Leirvåg-krysset og til Fønnes-krysset (Gullaksskiftet). Denne områdeplanen må lagast etter same mal som områdeplanen for Nordre Fønnesvågen, altså slik at det kan byggjast etter planen utan at ein må gjennom ein reguleringsplanprosess.

Dei skriv mellom anna at basert på erfaringane me har frå utviklinga av området kring Vardetangen, må det lagast ein plan for etablering, utvikling og vedlikehald av turstiar i heile kommunen. Ein kystkommune som Austrheim må leggja godt til rette for aktivitetar ved og på sjøen. Det er derfor viktig at me lagar ein plan for å ta vare på og utvikla kaiar, rasteplassar, båthamner og andre anlegg me har langs sjøen. Slike planar må utviklast i nært samarbeid med båtlag, velforeiningar, grunneigarar, oppsitjarar og andre interessegruppe som til dømes Austrheim Idrettslag, Austrheim Ungdomsklubb, Austrheim Dykkarklubb, Austrheim Kyst- og Sogelag, Neptun Seniorklubb, Kystkultur No! og andre.

Dei skriv mellom anna krisene i oljenæringa i 2014 og 2020 har vist oss at næringslivet i kommunen er alt for einsidig. Dette må det gjerast noko med dei komande åra. I Mongstad-området vert det jobba med å leggja til rette for etableringar av næringar som vil vera ein viktig del av det grønne skiftet, og i dette arbeidet er kommunen ein aktiv pådrivar. Men me treng fleire typar næringar og me må leggje til rette fleire næringsområde. Arbeidet med å laga ein reguleringsplan for næringsområdet i Øksnesmarka, må derfor setjast i gang så snart reguleringsplanen for kommunen sitt næringsareal ved Mongstad er godkjent.

Austrheim kommune sin kommentar: Austrheim kommune synes det er fornuftig at det vert laga ein områdeplan for området aust for Fv. 565 frå nye Leirvåg-krysset og til Fønnes-krysset i område kalla for B36 i kommuneplanen sin arealdel. Dette er teke inn i planstrategien for 2020-2024.

Rullering av kommunedelplan for fysisk aktivitet, idrett og friluftsliv bør kunne ivareta turstiar, kaiar og rasteplassar og andre anlegg langs sjøen. Dette planarbeidet er teke inn i planstrategien for 2020-2024.

Austrheim kommune synes ikkje det er fornuftig at kommunen skal ha ansvaret for, eller ta det økonomisk ansvaret for utgreiings- og planarbeidet med å laga ein reguleringsplan for næringsområdet i Øksnesmarka. Dette kan verta ein svært omfattande og ressurskrevjande plan for Austrheim kommune å handtera. Om ein privat reguleringsplan her vert utarbeida vert vanleg sakshandsaming uansett ein stor del av dette planarbeidet som kommunen må ta hand om på vanleg måte. Det er knytt særleg usikkerheit til utgreiingsarbeidet og kostnader for verdsetting av det biologisk mangfaldet i Øksnesmarka. Planprogram, konsekvensutgreiingar er eit omfattande arbeid i dette planarbeidet. Me viser her til forskrifta i føresegner til kommuneplanen sin arealdel under **§2.1.3 Næring:**

J. Næringsområdet N18 Øksnesmarka er eit potensielt næringsområde som ikkje er tilstrekkeleg utgreidd til å kunne nyttast til utbygging. Før det kan gjevast løyve til å nytte området eller deler av området til formålet næring, må det utarbeidast reguleringsplan med utfyllande konsekvensutgreiing som grunnlag for vurdering av bruken av området. Konsekvensutgreiinga skal m.a. innehalde utgreiingar om naturmangfaldet der det inngår kystlynghei, naturbeitemark, kystnedbørsmyr og sommarfuglen breibandpraktviklar.

I dette omfattande planarbeidet vil me som kommune ha ingen kontroll på kostnader frå A-Å. Det kan koma omfattande og kostbare utgreiingskrav/undersøkingar både frå Fiskeridirektoratet, Kystverket, Fylkesmannen, Statens vegvesen og Vestland fylkeskommune i heile denne planprosessen.

Austrheim kommune vil og opplysa at det er private grunneigarar som eig og har opsjon på den største delen av grunnarealet som er sett av til næringsområde her. Det er naturleg at desse private aktørane tek kostnaden med planarbeidet og leverer eit planutkast med naudsynte dokumenter til kommunen. Kommunen sitt areal av næringsarealet her er på omlag 90 dekar av totalt 460 dekar næringsareal her totalt. Kommunen sitt næringsareal her utgjer berre omlag 20% av arealet. Kommunen vil og opplysa om at det det førebunde planarbeidet er alt starta av ein privat aktør, men det er formelt ikkje halde oppstratmøte enno, planoppstart er heller ikkje varsla. Austrheim kommune meiner det er best formelt, økonomisk og ressursmessig at dette planarbeidet bert teke av private aktørar. Austrheim kommune vil som grunneigarpart og stå seg best å handsama dette slik.

4. Naturvernforbundet i Nordhordland sitt innspel er datert den 27.01.2020. Dei skriv mellom ann at: *Som naturvernorganisasjon ønskjer Naturvernforbundet Nordhordland å framheva arbeidet med å ivareta det biologiske mangfaldet. Dette arbeidet blir ikkje mindre viktig når vi veit at FN sin biomangfaldkonvensjon saman med klimakonvensjonen er sjølve berebjelken i visjonen om eit berekraftig samfunn. I revisjon av planstrategi for 2020-2024 ønskjer Naturvernforbundet Nordhordland at Austrheim kommune prioriterer følgjande planar i denne rekkefølga:*

- 1. Kommuneplanrevisjon med tilbakeføring av N18 Øksnesmarka til LNF-status*
- 2. Kommunal temaplan mot attgroing*
- 3. Interkommunal plan for sjøareal i regionen*

4. Revisjon av energi- og klimaplan for Austrheim

Og om kommunen har tid og ressursar til det:

5. Kommunedelplan for naturmangfold

Austrheim kommune sin kommentar punktvis til punkta 1-5:

Punkt 1. Kommuneplanen sin arealdel som vart godkjent den 11.04.2020 er førande for arealbruken i Austrheim kommune. Planstrategien legg ikkje opp til å revidera kommuneplanen sin arealdel i perioden 2020-2024. Innspelet vert teke til orientering.

Punkt 2. Kommunal temaplan mot attgroing er etter Austrheim kommune sitt syn ikkje naudsynt. Dette med attgroing er eit tema som bør koma med i **Landbruksplanen**, den er sett opp som ein temaplan i planstrategien for 2020-2024.

Punkt 2. Interkommunal plan for sjøareal i regionen er eit planarbeid som alt er påbyrja. Det er teke med i planstrategien under interkommunale planar som skal gjerast i planperioden.

Punkt 4. Revisjon av energi- og klimaplan for Austrheim er kome inn i planstrategien for 2020-2024.

Punkt 5. Kommunedelplan for naturmangfold. Kommunedelplan for naturmangfold er teke med i planstrategien for 2020-2024.

5. Austrheim Arbeidarparti sitt andre innspel er datert den 17. juni 2020. Dei skriv mellom anna at: *Temaplanen for landbruk av 2009 må oppdaterast i planperioden for å sikra oppdaterte planar for utvikling av landbruksarealet i kommunen.*

Austrheim kommune sin kommentar: Landbruksplanen for Austrheim vart godkjent i 2017. Planstrategien legg opp til å revidera Landbruksplanen i perioden 2020-2024.

Offentlege innspel:

1. Vestland fylkeskommune sitt innspel er datert den 04.03.2020. Dei skriv mellom anna at: *Det er eit krav om å utarbeida ei oversikt over helsetilstanden hjå innbyggjarane i kommunen. Kommunen bør vurdere om klima- og miljøutfordringane er godt nok vurdert i eksisterande planverk. Dei meiner kommunen bør stilla spørsmålet i arbeidet med planstrategien om kommuneplanen bør reviderast? Dei peiker og på at Regjeringa forventar at fylkeskommunane og kommunane legg FN sine berekraftsmål til grunn for samfunns- og arealplanlegginga.*

Austrheim kommune sin kommentar: Kommuneplanen sin arealdel som vart godkjent den 11.04.2020 er førande for arealbruken i Austrheim kommune. Planstrategien legg ikkje opp til å revidera kommuneplanen sin arealdel eller samfunnsdel i perioden 2020-2024. Innspelet vert teke til orientering.

Austrheim kommune har lagt ein temaplan for folkehelse inn i planstrategien for 2020-2024. Revisjon av energi- og klimaplan for Austrheim er kome inn i planstrategien for 2020-2024. Berekraftmåla til FN ligg til grunn for planlegginga vår og planstrategien til Austrheim kommune.

2. Fiskeridirektoratet sitt innspel er datert den 24.02.2020. Dei skriv mellom anna at:

Kommuneplanen er forholdsvis ny, og ivaretar fiskeri- og havbruksinteressene i tilfredsstillende grad. Vi meiner likevel kommunen kan gjere ei mindre revidering av sjøområda slik at arealplankartet stemmer meir med den reelle bruken av sjøområda i kommunen. Fiskeridirektoratet region Vest bistår gjerne i arbeidet om kommunen legg opp til å gjere desse endringane. Dei skriv mellom anna at det er registrert ei ålegraseng ved Synnevågen. Dette området bør settast av til omsynssone – bevaring naturmiljø (560). Denne ålegrasenga er den einaste som er registrert i kommunen og det gjer den desto viktigare å ta vare på. Ålegrasenger er svært produktive og vert rekna som viktige marine økosystemer på verdsbasis. Dei fungerer blant anna som skjulestad og oppvekst- og beiteområde for blant anna fiskeyngel og krepsdyr.

Austrheim kommune sin kommentar: Kommuneplanen sin arealdel som vart godkjent den 11.04.2020 er førande for arealbruken i Austrheim kommune. Planstrategien legg ikkje opp til å revidera kommuneplanen sin arealdel i perioden 2020-2024. Interkommunal plan for sjøareal i regionen er eit planarbeid som alt er påbyrja. Det er teke med i planstrategien under interkommunale planar som skal gjerast i planperioden, og her vil kommunen vurdere å gjere mindre endringar arealplankartet på tema som Fiskeridirektoratet her tek opp.

3.Kystverket vest sitt innspel er datert den 23.01.2020. Dei skriv mellom anna at: *Kystverket har nokre merknader til gjeldande arealplan og ber kommunen revidere arealplankartet for kommuneplan 2019-2029. Kystverket ber kommunen revidere arealplankartet i tråd med gjeldande registrerte kaste- og låssettingsplassar hjå Fiskeridirektoratet.*

Austrheim kommune sin kommentar: Kommuneplanen sin arealdel som vart godkjent den 11.04.2020 er førande for arealbruken i Austrheim kommune. Planstrategien legg ikkje opp til å revidera kommuneplanen sin arealdel i perioden 2020-2024. Interkommunal plan for sjøareal i regionen er eit planarbeid som alt er påbyrja. Det er teke med i planstrategien under interkommunale planar som skal gjerast i planperioden, og her vil me vurdere å gjere mindre endringar arealplankartet på tema som Kystverket Vest her tek opp.

4.Fylkesmannen i Vestland sitt innspel er datert den 21.01.2020. Dei skriv mellom anna at: *Vurdering av rullering av samfunnsdel og arealdel av kommuneplanen skal vere ein sentral del av planstrategien. Arealdelen av kommuneplanen er nyleg vedtatt (april 2019). Det ser ut som samfunnsdelen vart vedtatt i 2015. Kommunen må aktivt drøfte om det er naudsynt å revidere kommuneplanen. Fylkesmannen skriv også at den heilskaplege ROS-analysen skal reviderast minimum kvart fjerde år, medan beredskapsplanen skal reviderast årleg.*

Vi viser til dokumentet Nasjonale forventningar til regional og kommunal planlegging, der det mellom anna står at kommunen bør sikre viktige jordbruksområde og kulturlandskap i landbruket gjennom langsiktige utbyggingsgrenser. Planstrategien og nye planar må leggje til grunn statlege planretningslinjer for klima- og energiplanlegging og klimatilpasning. Planstrategien bør føresetje at kunnskap om slike viktige naturverdiar skal oppdaterast og vidareutviklast, for å kunne gi grunnlag for berekraftig økologisk utvikling.

Når det gjeld havbruk er det forventa at fylkeskommunane og kommunane sikrar nok areal til fiskeri- og havbruksnæringa i kystsoneplanlegginga og veg dette opp mot miljøomsyn og andre samfunnsinteresser. Arealbehovet skal sjåast i eit regionalt perspektiv. Vi viser til dei nasjonale forventningane til regional og kommunal planlegging. Akvakulturføremål bør vurderast og avklarast gjennom arealdelen til kommuneplanen, eller eventuelt interkommunale eller regionale planar.

Når det gjeld utbyggingsstrategiar for bustadar vil vi generelt minne om at ny utbygging i størst mogleg grad bør lokaliserast til eksisterande grender og tettstadar, og vere med på å styrke eksisterande infrastruktur og sosialt miljø. Planstrategien skal vere behovsstyrt. Det må takast omsyn til born og unge sitt oppvekstmiljø i ein planstrategi, det vil seie behovet barn og unge har til eit godt tenestetilbod (barnehagar, skular, idrettsanlegg, infrastruktur). Dette gjeld også møteplassar, uteareal og tilgang til grøne område nær barnehagar, skular og andre institusjonar.

Planstrategien skal bygge på ein samla folkehelseoversikt for Austrheim. Oversikta skal ligge til grunn for ei langsiktig og systematisk samfunnsutvikling. Det tverrsektorielle arbeidet med folkehelseoversikta må vere forankra både administrativ og politisk leiing. Ein må bruke oversikta som grunnlag for prioriteringar i planarbeid og tiltak. Vidare er ein sosial bustadpolitikk avgjerande i ein heilskapleg kommunal innsats for utjamning av sosial helseforskjellar.

Austrheim kommune sin kommentar: Kommuneplanen sin arealdel som vart godkjent den 11.04.2020 er førande for arealbruken i Austrheim kommune. Planstrategien legg ikkje opp til å revidera kommuneplanen sin arealdelel eller samfunnsdel i perioden 2020-2024. Tema i kommuneplanen sin arealdel sin planomtale tek og opp tema i samfunnsdelen og er oppdatert i forhold til situasjonen i 2019. Det er naturleg at samfunsdelen vert teke i neste kommunestyreperiode både ressursmessig og i forhold til nytte/kostnad.

Dette med jordbruksareal og viktige kulturlandskap er eit tema som bør koma med i Landbruksplanen, den er sett opp som ein temaplan i planstrategien for 2020-2024.

Interkommunal plan for sjøareal i regionen er eit planarbeid som alt er påbyrja. Det er teke med i planstrategien under interkommunale planar som skal gjerast i planperioden 2020-2024.

Revisjon av energi- og klimaplan for Austrheim er kome inn i planstrategien for 2020-2024. Kommunedelplan for naturmangfold.

Kommunedelplan for naturmangfold er teke med i planstrategien for 2020-2024.

Austrheim har lagt ein temaplan for folkehelse inn i planstrategien for 2020-2024.

Revisjon av Bustadsosialt handlingsprogram skal gjerast i planperioden.

Kommunedelplan for oppvekst skal og utarbeidast i planperioden.

Kommunedelplan for fysisk aktivitet, idrett og friluftsliv vil og iverta viktige uteareal for leik, aktivitet og friluftsliv, den skal reviderast i perioden 2020-2024.

Austrheim kommune tek med desse kommentarane over Fylkesmannen sine innspel til orientering.

5.Bergen sjøfartsmuseum sitt innspel er datert den 10.01.2020. Dei skriv mellom anna at: *Museet er positiv til at det skal utarbeides kommunal planstrategi for Austrheim kommune for 2020-2024. Me anbefaler at marine kulturminne inkluderast som eige punkt i dei delplanene der det kan vere*

relevant.

Austrheim kommune sin kommentar: Kulturminneplanen skal gjerast ferdig i planperioden. Her vil og marine kulturminne sjåast på og vurderast.

Vurdering:

Rådmannen har no klart eit forslag til styringsgruppa over kva planoppgåver Austrheim kommune bør starte opp eller vidareføra i kommunestyreperioden. Rådmannen ser grunn til å understreka sidan mange har teke dette opp i sine innspel at kommuneplanen sin arealdel som vart godkjent den 11.04.2020 er førande for arealbruken i Austrheim kommune. Øksnesmarka vart i kommuneplanprosessen grundig diskutert politisk, og konklusjonar og vedtak vart fatta i den saka. Det er krav til reguleringsplan i dette området før utbygging kan skje, planprosessen vil avgjera kva slag næring som skal vera her, og korleis arealet skal brukast her. Rådmannen vil understreka at planstrategien difor ikkje legg opp til å revidera kommuneplanen sin arealdel i perioden 2020-2024. Det gjeld og samfunnsdelen.

Rådmannen vil og understreka at det ikkje er naturleg at Austrheim kommune skal setja seg i førarsete når det gjeld å utarbeida ein reguleringsplan for Øksnesmarka. Eit slik planarbeidet vil verta svært omfattande ressursmessig og økonomisk. Det er og mange uforutsette utgifter som kan koma med eit slike komplekst planarbeidet. Dette planarbeidet kan fort koma på fleire millionar kroner, det er uråd å laga ein *rett* kostnadskalkyle for eit slikt planarbeid, men våre erfaringar med Johan Sverdrup er at dette vil verta kostbart og ressurskjevande. Rådmannen vil understreka at når ein privat reguleringsplan her vert utarbeida vert det uansett mykje sakshandsaming frå Austrheim kommunen si hand. Rådmannen vil peike på det Fylkesmannen fekk inn i føresegn **§2.1.3 Næring** til kommuneplanen sin arealdel som forklarar kva planarbeid som må gjerast i detalj . Her står det at:

J. Næringsområdet N18 Øksnesmarka er eit potensielt næringsområde som ikkje er tilstrekkeleg utgreidd til å kunne nyttast til utbygging. Før det kan gjevast løyve til å nytte området eller deler av området til formålet næring, må det utarbeidast reguleringsplan med utfyllande konsekvensutgreiing som grunnlag for vurdering av bruken av området. Konsekvensutgreiinga skal m.a. innehalde utgreiingar om naturmangfaldet der det inngår kystlynghei, naturbeitemark, kystnedbørsmyr og sommarfuglen breibandpraktviklar.

Rådmannen har difor vald å ikkje ta dette planarbeidet med i planstrategien for 2020-2024.

Rådmannen viser elles til Austrheim kommune sin kommentar til kvart innspel og sluttar seg til innhaldet her. Det er gode og grundige vurderingar som legg til grunn for desse kommentarane.

Rådmannen meiner at det er naturleg at framlegg til planstrategien vert lagt ut på offentleg høyring i perioden 20.08.- 01.10. 2020. Planen skal etterpå vedtakast i kommunestyret. Arbeidet med planstrategien er vorte drøfta på avdelingsleiar møte og planutkast er sendt ut til avdelingsleiarane og kommunalsjefar. Avdelingsleiarane har vorte utfordra av rådmannen på kva dei trong laga av nye planar eller kva plan som burde rullerast. Avdelingsleiarane vart også oppmoda om at dei tilsette innafor deira avdeling kunne koma med innspel. Planstrategiarbeidet og tema som bør vera med her har vorte drøfta på fleire administrative møte i 2019 og 2020. Også formannskapet og

kommunestyret har drøfta tema som bør vera med i planstrategien.

I møtet 12. desember 2019 (sak 079/19), handsama kommunestyret saka **Planstrategi for Austrheim kommune for perioden 2020 - 2024 - Oppstart av arbeid**. Bygdelista tok opp samansetninga av styringsgruppa og ville utvida denne utover formannskapet. Dette vart drøfta på møtet utan at det vart sett saman ei ny styringsgruppe på det møtet. I kommunestyret den 13. februar 2020 vart dette og drøfta utan at det vart sett ned ei ny styringsgruppe. Rådmannen har no vurdert denne saka og vil presisera at formannskapet også er planutval, med ordførar som leiar og varaordførar som nestleiar. Varamedlemmer er etter varaliste til formannskapet.

Rådmannen meiner difor som før at det er naturleg at formannskapet er styringsgruppe for planstrategiarbeidet. Alle andre kan koma med innspel og merknadar til planstrategien, også politiske parti og medlemmer i kommunestyret. Rådmannen ser ikkje noko god grunn no for å utvida styringsgruppa utover formannskapet så seint i denne planstrategiprosessen. Rådmannen rår til som før at formannskapet er styringsgruppe for arbeidet. Planstrategien skal etter planen opp til endeleg politisk godkjenning i kommunestyret i oktober/november 2020. Planstrategien vert sendt på høyring på vanleg måte. Alle kan koma med merknad til denne.

Rådmannnen synes planstrategien som no skal på høyring er godt gjennomarbeid og godt fagleg basert ut frå utfordringane Austrheim kommune står ovanfor framover. Rådmannen rår med dette til at formannskapet legg høyringutkast for **Planstrategi for Austrheim kommune 2020-2024** ut på høyring. Høyringsfrist vert 1. oktober 2020. Vedtaket er heimla i Plan- og bygningslova si § 10-1.

Konklusjon:

Formannskapet legg høyringutkast for **Planstrategi for Austrheim kommune 2020-2024** ut på høyring. Høyringsfrist vert 1. oktober 2020. Formannskapet er styringsgruppe for planstrategiarbeidet.